



F.A.Q IBADAH QURBAN MELALUI ASNAF CARE LEMBAGA ZAKAT NEGERI KEDAH

1- Apakah maksud ibadah qurban (udhhiyyah)?

Maksud ibadah qurban (udhhiyyah) ialah binatang ternakan yang disembelih untuk mendekatkan diri kepada Allah Ta'ala pada Hari Raya haji dan tiga hari Tasyri' (10,11,12 dan 13 Zulhijjah).

2- Berapakah umur binatang yang sah dijadikan qurban?

Secara ringkasnya disenaraikan binatang qurban dan umurnya seperti berikut: Unta 5 tahun, lembu 2 tahun, kerbau 2 tahun, kambing 2 tahun dan biri-biri setahun atau telah gugur gigi hadapannya sesudah ia berumur enam bulan. Haiwan tersebut mestilah sihat dan tidak cacat.

3- Apakah hukum ibadah qurban?

Sunat muakkadah (sunat yang sangat dituntut).

4- Apakah fadhilat melaksanakan ibadah qurban?

- Penebus dosa kecuali dosa besar.
- Mendapat hasanah (kebajikan) bagi setiap bulu binatang korban.
- Mendapat kedudukan yang mulia di sisi Allah Ta'ala.
- Membentuk peribadi ikhlas, sabar, qana'ah (bersyukur), belas kasihan dan tolong menolong.

5- Siapakah yang dikatakan golongan yang mampu melakukan ibadah qurban?

Mereka yang mempunyai lebih harta sebanyak nilai harga binatang qurban daripada keperluannya dan keperluan orang yang di bawah tanggungannya pada hari raya dan hari-hari Tasyri'.

6- Apakah hukum orang mampu tetapi tidak mahu melaksanakan ibadah qurban?

Makruh.

7- Bolehkah seekor binatang dikongsi oleh 2 atau lebih orang yang berqurban?

Kambing untuk seorang sahaja. Unta, kerbau dan lembu boleh dikongsi oleh 7 orang walaupun berlainan niat.

8- Bolehkah melakukan ibadah qurban di negeri lain?

Dibolehkan selagi mana syarat dan kaedah perlaksaaannya diyakini tepat.

9- Bagaimana cara pembahagian daging qurban sunat?

Harus dibahagikan kepada 3 bahagian :

- 1/3 : pihak yang berkorban dan ahli keluarganya
- 1/3 : asnaf fakir dan miskin
- 1/3 : sahabat handai termasuk orang kaya atau jiran-jiran

Tetapi yang afdhalnya ialah disedekahkan kesemuanya kepada orang yang layak atau diserahkan kepada LZNK untuk menguruskannya.

10- Apakah hukum melaksanakan ibadah qurban bagi pihak orang lain?

- Tidak boleh bagi orang yang masih hidup kecuali dengan izinnya.
- Tidak boleh bagi orang yang meninggal dunia kecuali ada wasiat.

11. Bagaimana lafaz niat ibadah qurban?

“Sahaja aku melakukan ibadah qurban sunat/ wajib/ nazar kerana Allah Taala”

12- Adakah boleh berwakil kepada wakil kedua untuk melaksanakan ibadah qurban dan bagaimana cara berwakil?

Boleh, peserta berkata kepada wakilnya: “Saya wakilkan kepada tuan (LZNK) untuk menguruskan pembelian dan penyembelihan korban sunat/wajib/nazar saya kerana Allah Taala”.

13- Berapakah harga korban, aqiqah dan sumbangan yang diuruskan di LZNK?

Berikut merupakan harga dan kos yang telah ditetapkan di LZNK :

- Seekor lembu : RM 6,000.00
- 1 Bahagian lembu : RM 860.00
- 1 kilo daging : RM 40.00 (sumbangan)

14- Difahamkan LZNK turut membuka peluang untuk orang ramai menyumbang daging kepada asnaf?

Ya, LZNK turut membuka peluang menyumbang serendah RM 40.00 bagi 1 kilogram daging.

15- Bagaimanakan cara penyertaan dan pembayaran dibuat?

Sila layari laman web kami di <https://asnafcare.com.my/>



F.A.Q IBADAH AQIQAH MELALUI ASNAF CARE LEMBAGA ZAKAT NEGERI KEDAH

1- Apakah yang dimaksudkan dengan aqiqah?

Dari segi syara' : Binatang yang disembelih ketika pada hari mencukur rambut bayi. Rasulullah SAW bersabda "setiap anak yang lahir itu terpelihara dengan aqiqahnya yang disembelih untuknya pada hari ke-7 (daripada hari kelahirannya), dicukur rambutnya dan diberi nama" Hadis riwayat Abu Daud, At Tarmizi dan Ibnu Majah.

2- Kenapa kita perlu laksanakan aqiqah?

Sebagai tanda ibu bapa mensyukuri nikmat apabila mendapat anak dan ianya juga merupakan sunnah nabi. Rasulullah SAW bersabda yang bermaksud "bayi tergadai dengan aqiqahnya." Hadis riwayat At-Tarmizi.

3- Siapakah yang perlu melaksanakan ibadah aqiqah?

Bagi suami dan isteri yang dikurniakan anak.

4- Apakah hukum aqiqah?

Sunat muakad iaitu amalan sunat yang sangat-sangat dituntut.

5- Berapakah jumlah aqiqah untuk anak lelaki dan perempuan?

Disunatkan bagi anak lelaki aqiqahnya adalah 2 ekor kambing. Manakala bagi anak perempuan adalah seekor kambing.

6- Bilakah waktu yang terbaik untuk laksanakan aqiqah?

Sebaiknya dilaksanakan pada hari ke tujuh mengikut sunnah Rasulullah atau 14 atau 21 atau selagi dia belum baligh.

7- Sekiranya ibu bapa saya tidak mampu laksanakan aqiqah untuk saya dahulu, bolehkah saya sendiri yang laksanakan aqiqah untuk diri saya?

Dibolehkan. Kerana Rasulullah SAW sendiri pernah melaksanakan aqiqah untuk dirinya selepas baginda diangkat menjadi rasul.

8- Adakah memadai hanya niat aqiqah ketika membuat bayaran melalui online sahaja?

Dibolehkan. Dikira sah kerana syarat mewakilkan ke LZNK jelas dinyatakan dengan dokumen dan bukti bayaran yang dibuat. Disunatkan juga untuk hadir ketika sembelihan dilaksanakan.



F.A.Q PENGURUSAN KORBAN, AQIQAH DAN SUMBANGAN MELALUI ASNAFCARE LEMBAGA ZAKAT NEGERI KEDAH

1- Dimanakah pihak LZNK akan melaksanakan ibadah ini?

LZNK akan melaksanakan ibadah qurban, aqiqah dan sumbangan daging ini kepada asnaf fakir dan miskin dalam negeri Kedah mengikut jumlah terimaan yang diperolehi.

2- Berapakah harga untuk menyertai qurban, aqiqah dan sumbangan daging di LZNK?

Berikut merupakan harga dan termasuk kos yang telah ditetapkan di LZNK :

- Seekor lembu : RM 6,000.00
- 1 Bahagian lembu : RM 860.00
- 1 kilo daging : RM 40.00 (sumbangan)

3- Bagaimanakah cara penyertaan dan pembayaran dibuat?

Sila layari laman web kami di <https://asnafcare.com.my/>

4- Bagaimana untuk menghubungi pihak LZNK jika terdapat sebarang pertanyaan?

Sila hubungi atau whatsapp di talian 019-596 2155 atau 04-731 1740 (Jabatan Agihan Dan Pembangunan Asnaf, LZNK).

5- Bagaimana cara bayaran dibuat?

Terdapat 2 kaedah bayaran iaitu melalui kaedah online banking di web <https://asnafcare.com.my/> atau terus ke mana-mana kaunter cawangan LZNK.

6- Adakah resit rasmi akan dibuat sebagai bukti bayaran?

Ya. Pihak LZNK akan menyediakan resit sebagai bukti bayaran dibuat.

7- Adakah para peserta akan mendapat sijil?

Ya. LZNK akan menyediakan secara e-sijil dan akan dihantar melalui emel peserta.

8- Bilakah tarikh akhir penyertaan ini dibuka?

Pada 7 Julai 2022.